



<County: Staffordshire>

<Code: L0311b>

<MS reference: London, Public Record Office C 1/6/321>

<Text: Attestation>

known@ be hit to all men@ yat J Robert ~~of~~ Priour of Calevych come to Calton@ Graunge ^{[in the}
Counte of Stafford] w^t dame Margerie of
longford & ther~ was assemblet w^t hyr at hyr request *sir* henr~ Perponnt henr~ of Bothe willia@ of
honford & J & ther~
sho made grete compleynt to vs of a grete debate & vareaunce y^t was bytwene hyr husband y^t
Richard of Clyderhowe<?>
& hyr ^[&] by-cause y^t sho was auoydet froo hyr sayde husband & bysye to make deuors bytwene
hym & hyr a mensa & thoro
for y^t tyme sho knewe non@ other cause bot thagh y^t deuors wer~ made sho dredde hyr soore
by-cause a fyne y^t sho ^[& he] hade
reret of y^t lond byfore y^t tyme to hys fren@des & taken@ estate yerof a3ayne to hym & to hyr to
terme of the lyfe of
the sayde Margerie & thagh suche deuors wer~ made sho was lernet y^t the sayde Richard shulde
haue hyr lon@de &
yer-opon@ prayet vs all of counsell & helpe & ther~ hit was asket by the sayde henr~ of the Bothe
of hyr if any
estate wer~ ^[made] of the sayde londes byfore the sayde fyne reret by hyr oyer by any husband y^t sho
euer hade byfore y^t tyme
& sho vnswaret playnly nay & sayde sykerly sho knewe neuer non@ ^[suche] estate made yer-of
byfore the sayde fyne reret & <ill><1 word></ill>
vs of some other help & yer-opon@ we wer~ redelesse in partye And peropon@ it was auyset
amonges all y^t J the sayde Priour
the sayde ^[sir] henr~ ~~of the Bothe~~ Perponnt prayet the sayde henr~ of the Bothe to helpe the sayde
Margerie in this matere by
cause y^t the sayde henr~ Perponnt was in way to goo ouer the see & also y^t the sayde willia@ <1
~~ear~~> of honford was
enditet in Derbyshyre & myght not abyde in y^t cuntre to helpe hyr . and the sayde henr~ of the Bothe
sayde he shulde
~~help~~ helpe hyr to his power & forth-w^t all counsaylet the sayde dame Margerie to ensclaundr~ hit in
the cuntrey



yat ther~ was estate made & a dede yer-of to fer~ the sayde Richard to gete gode accorde bytwene
hym & hyr & sho sayde hi<tear>
shulde be done & comfort hyr heghly yer-by And yer-oponn the sayde henr~ of the Bothe sayde y^t
he shuld helpe to his pow<tear>
y^t ~~hyr~~ vnder colour of such saying y^t hyr tenantes shulden@ not be distresset ne thayre ferme
taken@ of hom by the say<tear>
richard vnto y^t gode accorde myght be gotten@ . [and yer-to J the sayde Priour sayde if any suche dede wer~ feynet hit
myght hynder the heyr & y^t J wold neuer assent to & soo sayde all thies persouns then@ also] And yer-opon@ hit was auyset &
ordenet at y^t tyme by the sayde Margerie
y^t J the sayde Priour shulde ryde .^[to] london@ for the deuors aforesayde & to gete gode accorde /
bytwene the sayde Margerie
& hyr sayde husbond & opon@ en@de y^t J shulde .^[graunte] y^t the sayde Richard shulde be made
syker of xl li by 3ere of the say<tear>
lond to terme of lyfe of the sayde Margerye if J myght noo bettur And thus we concludet &
determinet at y^t tyne & th<tear>
we departet And yat this tale is trewe in effect J wyll do to soth how as euer a prest ogh to do by any
reson@